

**ხელშეკრულება N 36**  
სახელმწიფო შესყიდვის შესახებ  
(ელექტრონული ტენდერი) - NAT200007287

ქ. თბილისი

სსიპ საფინანსო-ანალიტიკური სამსახური (შემდგომში - „შემსყიდველი“), წარმოდგენილი სამსახურის უფროსის მოადგილის გიორგი ბაბაკიშვილის სახით და ა(ა)იპ „საქართველოს სამეცნიერო-საგანმანათლებლო კომპიუტერული ქსელების ასოციაცია - გრენა“ (შემდგომში - „მიმწოდებელი“), წარმოდგენილი მისი აღმასრულებელი დირექტორის რამაზ ქვათაძის სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-3 მუხლის პირველი პუნქტის „ქ“ ქვეპუნქტის საფუძველზე, ვთანხმდებით შემდეგზე:

**1. გამოყენებული ტერმინების განმარტებები**

1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - შემსყიდველსა და მიმწოდებელს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
3. „დღე“, „კვირა“, „თვე“ - კალენდარული დღე, კვირა, თვე.
4. „შემსყიდველი“ - ორგანიზაცია, რომელიც ახორციელებს შესყიდვას.
5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

**2. ხელშეკრულების საგანი**

წინამდებარე ხელშეკრულების დანართი #1-ით განსაზღვრული კრიპტოგრაფიული უსაფრთხოების SSL - სერტიფიკატის მიწოდება - (CPV48222000).

**3. ხელშეკრულების ღირებულება**

1. ხელშეკრულების ღირებულება შეადგენს **340.00** (სამას ორმოცი) ლარს.
2. ხელშეკრულების ღირებულება მოიცავს როგორც გასაწევი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

**4. მხარეთა ვალდებულებები**

**1. მიმწოდებელი ვალდებულია:**

- ა) უზრუნველყოს წინამდებარე ხელშეკრულების მე-2 მუხლით გათვალისწინებული - SSL სერტიფიკატების მიწოდება/გააქტიურება ხელშეკრულების ძალაში შევლიდან 3 (სამი) კალენდარული დღის განმავლობაში, სსიპ საფინანსო-ანალიტიკურ სამსახურში, შემდეგ მისამართზე: ქ. თბილისი, გორგასლის ქ. N16;
- ბ) სერტიფიკატები აქტიური უნდა იყოს მიწოდება/გააქტიურებიდან - 2 (ორი) წლის განმავლობაში.
- გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
- დ) ხელი შეუწყოს შემსყიდველს ინსპექტირების განხორციელებაში.



ე) განახორციელოს ამ ხელშეკრულებით მასზე დაკისრებული სხვა ვალდებულებები.

## **2. შემსყიდველი ვალდებულია:**

ა) განახორციელოს ამ ხელშეკრულებით მასზე დაკისრებული სხვა ვალდებულებები.

## **5. ხარისხი**

მიწოდებული საქონლის/ SSL სერთიფიკატის ხარისხი უნდა შეესაბამებოდეს დადგენილ სტანდარტებს (ასეთის არსებობის შემთხვევაში) და წინამდებარე ხელშეკრულებაში განსაზღვრულ მაჩვენებლებს.

## **6. ხელშეკრულების შესრულების კონტროლი**

1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ხელშეკრულების მოქმედების მთელ პერიოდზე.

2. ხელშეკრულების შესრულების კონტროლს/ინსპექტირებას განახორციელებენ შემსყიდველის მიერ განსაზღვრული პირი ან პირთა ჯგუფი, ასევე კონკრეტულ შემთხვევებში მხარეთა შეთანხმებით შესაძლებელია მოწვეულ იქნეს სპეციალური ცოდნის მქონე სპეციალისტი (ექსპერტი).

3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია წერილობითი შეტყობინებიდან 3 (სამი) სამუშაო დღეში გამოსწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება დაუბრუნოს შემსყიდველს აღნიშნული წუნდებული საქონლის ღირებულება.

## **7. საქონლის მიღება-ჩაბარების წესი**

1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით.

2. საქონლის მიღებას აწარმოებს სსიპ საფინანსო-ანალიტიკური სამსახურის ადმინისტრაციული დეპარტამენტის უფროსი.

## **8. ანგარიშსწორება**

1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

2. შემსყიდველი იღებს ვალდებულებას გადაუხადოს მიმწოდებელს მიწოდებული საქონლის ღირებულება ეტაპობრივად, მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

## **9. ხელშეკრულების შესრულების შეფერხება**

1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.



## 10. ხელშეკრულების პირობების შეუსრულებლობა

1. წინამდებარე ხელშეკრულების პირობების შეუსრულებლობის შემთხვევაში შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების 20%-ის ოდენობით.
2. წინამდებარე ხელშეკრულების პირობების ნაწილობრივ შეუსრულებლობის შემთხვევაში შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების არაუმეტეს 10%-ის ოდენობით.
3. წინამდებარე ხელშეკრულების პირობების არაჯეროვნად შესრულების შემთხვევაში (მათ შორის, ხელშეკრულების მე-4 მუხლის პირველი პუნქტის „ა“ ქვეპუნქტით გათვალისწინებული საქონლის მიწოდების/გააქტიურების ან/და ხელშეკრულების მე-6 მუხლის მე-3 პუნქტით განსაზღვრული ვადების გადაცილების შემთხვევაში) მიმწოდებელს ეკისრება პირგასამტეხლო შესაბამისად ყოველ გადაგადაცილებულ დღეზე ხელშეკრულების ღირებულების 0.02%-ის ოდენობით.
4. წინამდებარე ხელშეკრულებით განსაზღვრულ შემთხვევაში შემსყიდველი უფლებამოსილია შეწყვიტოს ხელშეკრულება მიმწოდებელთან და მოსთხოვოს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

## 11. ხელშეკრულებაში ცვლილებების შეტანა

1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.
2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

## 12. დავების გადაწყვეტა

1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.
2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონით დადგენილი წესით.

## 13. ხელშეკრულების შეწყვეტა

1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.
2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.
3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

## 14. ხელშეკრულების მოქმედების ვადა

1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2020 წლის 31 დეკემბრის ჩათვლით.
2. წინამდებარე ხელშეკრულების შესაბამისი მუხლები რომელთა მოქმედების ვადებიც აღემატება მე-14 მუხლის პირველი პუნქტის მოქმედების ვადას ძალაშია მათ სრულ შესრულებამდე.

## 15. სხვა პირობები

1. წინამდებარე ხელშეკრულება შედგენილი და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

2. ხელშეკრულებაზე თანდართული დანართი N1, წარმოადგენს წინამდებარე ხელშეკრულების განუყოფელ ნაწილს და განიხილება მასთან მთლიანობაში.

## 16. მხარეთა რეკვიზიტები:

### შემსყიდველი

სსიპ საფინანსო-ანალიტიკური სამსახური  
მისამართი: ქ. თბილისი, გორგასლის ქუჩა N16,  
ტელეფონი: 032 226 1072, 032 226 1095;  
საბანკო რეკვიზიტები: ანგ. 200122900,  
სახელმწიფო ხაზინა, კოდი 220101222,  
სკ-204577813

### მიმწოდებელი

ა(ა)იპ „საქართველოს სამეცნიერო-საგანმანათლებლო  
კომპიუტერული ქსელების ასოციაცია - გრენა“  
მისამართი: ქ. თბილისი, ჭოველიძის ქ.10,  
ტელეფონი: 598 411612; 577 405566;  
ელ.ფოსტა: contact@grena.ge  
საბანკო რეკვიზიტები: ა.ა GE28TB0600000003700507,  
სს „თიბისი ბანკი“ კოდი TBCBGE22,  
სკ- 204931654



| კრიპტოგრაფიული<br>უსაფრთხოების SSL-<br>სერტიფიკატი<br>(CPV/48222000) | დომენის<br>დასახელება | სერტიფიკატის<br>ტიპი | მწარმოებელი ქვეყანა/კომპანია, მოდელი და მახასიათებლები                                                                                                                                                                                                                                                                                                                                                                                                                                                                                                                                                                                                                                                                                            | ერთ. ფასი<br>(ლარი) | საერთო ფასი<br>(ლარი) |
|----------------------------------------------------------------------|-----------------------|----------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------|-----------------------|
|                                                                      | reporting.ebudget.ge  | სტანდარტული          | <p>მწარმოებელი ქვეყანა - აშშ;<br/>მწარმოებელი კომპანია - DigiCert;<br/>მოდელი - Thawte SSL 123;<br/>შესყიდვის ობიექტის რაოდენობა:<br/>1 (ერთი) ცალი სტანდარტული ტიპის კრიპტოგრაფიული უსაფრთხოების<br/>SSL-სერტიფიკატი - reporting.ebudget.ge;</p> <p>შესყიდვის ობიექტის მახასიათებლები:</p> <ul style="list-style-type: none"> <li>• სერტიფიკატის მფარმავლის პირველი დონის;</li> <li>• სერტიფიკატი შედის MS Windows უახლესი ვერსიის root<br/>ერტიფიკატების ჩამონათვალში;</li> <li>• მინიმუმ 256 ბიტური შიგრიცხვის მზარდაჭერა;</li> <li>• მწარმოებლის გარანტია - \$500 000;</li> <li>• CA-ს მხრიდან დომენის იდენტიფიკაციის შემოწმება;</li> <li>• სერტიფიკატის მფარმავლის ონლაინ დახმარების სერვისი;</li> <li>• ნამდვილობის ვადა 2 წელი.</li> </ul> | 340.00              | 340.00                |

შემყიდველი

*Handwritten signature*



მიმწოდებელი

\_\_\_\_\_

*Handwritten signature*

*Handwritten signature*